

GUX Nuuk Naleqartitat



Siunissarput ataatsimoorullutigu

GUX Nuummi makku naleqartitat aallaavigalugit sulivugut:



Ilikkagaqarneq – Ilinniarnertuunngorniarmimmi ilikkagaqarneq qitiutinneqarpoq, ulluinnarmi suliaqarnitsinni aamma fagini tamani



Ataatsimoorneq – Inimi atuartitsivimmi aamma ilinniarnertuunngorniarmimmi ataatsimoorluta ilikkagaqartarpugut



Ataqqinninneq – Ullut tamaasa akisussaaffeqarnitsigut takutittarparput aamma immitsinnut oqaloqatigiinnitsinni uagullu pilluta eqqartueqatigiittarnermi



Pissuserissaarneq – Pisarpoq imminut aamma inuiaqatigiit avatangiisit pillugit ilisimasaqalernikkut aamma sutigut tamatigut peqataalluartarnikkut



Ineriartorneq – Ilinniarnertuunngorniarnernup nalaani ilinniakkatigut aamma inuit akornanniittarnikkut ineriartorneq pisarpoq

GUX Nuuk Naleqartitat



Atuartunut



Ilikkakat – Ilisimasat aamma ilikkagaqarneq qitiutitaraavut

- **Naleqquttumik ingerlanneqarnera:** Ilikkagaqarneq pisarpoq erseqqilluinnartunik ilikkagassanik anguniagassaqaarnikkut, qulakkeertarpavullu atuartut piginnaasaminnik anguniagaqarnermikkut ikiortarnerisigut. Tamanna anguniartarparput ilikkagaqarnissami aamma paasinninnissami teknologi nutaaliaasoq aamma qanga periutsit atorlugit.
- **GUX Nuummi:** Ilikkagaqarnissami aammattaaq ilinniartitsinermi Kalaallit Nunaata immikkut nunarsuarmi inissisimaneranut aamma kulturikkut tunngasunut attuumassuteqarneranut atasut ilinniartitsissutigisarpavut. Tassaasinnaapput Kalaallit Nunaat pillugu ilisimasat aamma kalaallinut inuiaqatigiinnut naleqquttut sunniutaasut pillugit.



Ataatsimoorneq – Ataatsimoorluta nammaqatigiippugut

- **Naleqquttumik ingerlanneqarnera:** Ingerlatat aalajangersimasut ingerlatilersarpavut ilikkagassat ataatsimut anguniagassat anguniarlugit atuartut aamma ilinniartitsisut suleqatigiittarlutik. Ataatsimoorneq pitsanngortarpoq atuartut eqimattakkuutaarlutik suleqatigiinnerisigut aamma inuttut ataatsimoornermik aaqqissuussinikkut, taamaaliornikkut atuartut ukiuni assigiinngitsuni aallartittut akuleriilersarput.
- **GUX Nuummi:** Naleqartippavut suleqatigiinneq aamma attaveqatigiittarnerit. Tamanna pisarpoq uagut inuiaqatigiinnut ilaanitta qitiutittarneratigut, tamatumalu pisarnissaa inuiaqatigiit aamma GUX Nuup akornanni ataqatigiinnerisigut.



Ataqqinninneq – Uagut assigiinngissusigut naleqartitaraavut aamma inissaqartitalugit

- **Naleqquttumik ingerlanneqarnera:** Pingaartipparput atuartut ilorrisimaarnerat, malittarisassaqaarpugullu erseqqilluinnartunik immitsinnut qanoq oqaloqatigiittarnissarput pillugu aamma inimi atuarfiusumi atuarfimmilu immitsinnut qanoq pissusilersortarnerput pillugu. Aaqqiagiinngittoqalissagaluarpasut oqaloqatigiinnikkut tamakku aaqqittarpavut.
- **GUX Nuummi:** Assigiinngissuseqarneq aamma ileqqut ataqqivavut. Ataqqinninnermi taamaallaat qanoq pissusilersortarneq pineqanngilaq, aammattaaq kalaallit kulturiata aamma allat kulturiisa nutaanerusortaasut qangaanerusortaallu naleqartinneqartarnissaat aamma akuerineqartarnissaat pineqarput.



Pissuserissaarneq – Nunarsuaq immitsinnullu pilluta ilikkagaqarpugut

- **Naleqquttumik ingerlanneqarnera:** Pissuserinneq ilinniartitsinermi pilersarpoq uagut kalaallit kulturiannut aamma nunarsuarmioqataanermut qimerluuineq ilannguttarnerisigut. Inuusuttut ikiortarpavut peroriartornissaannut aamma ilinniarnertuunngorniartarnissami akissusaaffeqarnerulersinniarlugit.
- **GUX Nuummi:** Pissuserissaarnermi pineqarpoq qanga ileqqut aamma nutaaliornarup oqimaaqatigiissilerneqarnerisigut. Atuartut ilinniartitsinermi peqataalluarnissaannut sakkusaqalersinniarparput, aammattaaq najukkami inuiaqatigiinni aamma nunarsuarmi avataanniittumi peqataalluarnisigut.



Ineriartorneq – Ataatsimut silatunerulerpugut

- **Naleqquttumik ingerlanneqarnera:** Ingerlaavartumik suliat qanoq sunniuteqarnera paasiniartarparput aamma kingumut qiviarluni nalilersuinikkut, atuartut aamma ilinniartitsisut faginik eqqartueqatigiinnerisigut ilaatigullu ilikkakkat aamma ataatsimooqatigiinnermi anguniagassat nalilersortarlugit. Ilikkakkatigut tamanna imatut pisarpoq fagini ataasiakkaani nalunassusiisa artornariartortinnerisigut. Inuit akornanniittarnermi aamma inuttut ineriartorneq pisarpoq ammasumik aamma suleqatigiinnikkut imminnut naapeqatigiittarnermi, aamma ilorrisimaarney pillugu oqaloqatigiittarnermi, nal. akunnerini suleqatigiiffiusuni inoqatinillu ataatsimooqatigiillu aaqqissuussisarnerni.
- **GUX Nuummi:** Ineriartorneq pisarpoq ataatsimoortarnermi nal. akunnerini atuarfiusuni aamma taakku avataasigut. Suliaqariaatsit assigiinngiaartut sapinngisatsinnik ingerlattarpavut, atuartunik ataasiakkaanik ineriartortitsilersinnaasunik, aammattaarli ataatsimoortarnermi.

Atorfilinnut



Ilikkagaqarneq – Ilisimasaqarneq aamma ilikkagaqarneq qitiutippavut (atorfilinnut tamanut)

- **Naleqquttumik ingerlanneqarnera:** Ilikkagaqarneq ilinniarnertuunngorniarmimmi uagutsinnut atorfilinnut tamatsinnut atuuppoq. Ilinniarnertuunngorniarmimmi ilinniartitsisutut ilikkakkatigut soorlu assersuutigalugu ilikkagassatut anguniakkat suuneri erseqqissumik paasitinneqassapput aamma ilikkagassatigut siuariartorneq. Ilikkakkat aamma tassaasinnaapput allaffissornermi suliaasatigut naammassiuminarsaaneq, aamma kollegiami sulisutut atuartunik siunnersuisutut ilikkakkat tassaasinnaallutik atuartunik tapersersuinerup pitsaanerulersinnera. Ilikkakkatigut aammattaq pineqarpoq atorfillit suliaasanik qitiutitsinerat namminnerlu suliaminni qanoq pitsaanagerusumik aaqqiiffigisinnaaneraat.
- **GUX Nuummi:** Ilisimasat aamma misilittakkat akunnitsinnut sapinngisamik ingerlateqqittarpavut, taamaalillutalu immitsinnut ikiortarluta atuartumut, suleqatinut aamma ilinniarnertuunngorniarmimmut pitsaanerpaamik iluaqutaasinnaassammata.



Ataatsimoorneq – Ataatsimoorluta nammaqatigiippugut (atorfilinnut tamanut)

- **Naleqquttumik ingerlanneqarnera:** Ataatsimoorneq aammattaq atorfilinnut pingaartuuvoq. Tamanna pisarpoq immitsinnut ikioqatigiittarnikkut suliaasat annikinnerit aamma annertunerit pillugit. Sumi inissisimanerput pinnagu ataatsimoorluta suliaasat naammassiniartarpavut.
- **GUX Nuummi:** Fagit imaluunniit suleqatigiilluni ingerlatassat suliaasat aallartinniartarpavut, suleqatigiikkuutaat assigiinngitsut unamminartut aaqqinnissaannut suleqatigiittarluta, soorlu ataatsimoortitsilluni aaqqissuussinissat aaqqissortarlugit aamma soorlu assersuutigalugu atuartut ilorrisimaarnerulernissaat aamma atuariartortarnissaasa siuarsarneratigut.

GUX Nuuk Naleqartitat



Ataqqinninneq - Uagut assigiinngissusigut naleqartitaraavut aamma inissaqartitalugit (atorfilinnut tamanut)

- **Naleqquttumik ingerlanneqarnera:** Immitsinnut ataqqilluta oqaloqatigiittarpugut pissusilersortarlutalu. Assigiinngitsuuvugut, tamannalu pissutigerpiarlugu uagut tamatta suliffeqarfimmut immikkorluinnaq pissanganartumillu tunniussaqtarpugut.
- **GUX Nuummi:** Immitsinnut akuersaarpugut. Sulisut aamma atuartut akornanni iluatsitsilaarnerit aamma iluatsitsinerit annertuut ulluinnarni aamma ataatsimut ataatsimiittarnitsinni erseqqissaatigisarpavut.



Pissuserissaarnek – Nunarsuaq immitsinnullu pilluta ilikkagaqarpugut (atorfilinnut tamanut)

- **Naleqquttumik ingerlanneqarnera:** Qitiutipparpugut pitsaasumik inoqataanissarpugut suliarpullu allanut annertusumut ilaanera takusinnaallutigu, tassami uagut inuiaqatigiinnut avatangiisitsinnut ilaagatta. Pissuserissaarnek aammattaaq tassaavoq uagut allat pisariaqartitaat eqqarsaatigisaratsigu, atuartut aamma suleqatit pisariaqartitaat. Taamatut suleriaatsitsinni aamma tunngavilersuutitsinni assigiississuseqarnerup pilersittarneranut paasinninneq pilersittarpugut.
- **GUX Nuummi.** Kulturi aallaavigalugu ilinniartitsisarpugut aamma oqaatsit marluiit tamatumunnga ilutigalugu uagut atuartut ilikkakkatigut aallaaviat mianerisarlutigu. Tamatumalu saniatigut aammattaaq kulturikkut aqqissuussinerit assigiinngitsut atuarfimmi ingerlanneqartarpugut, soorlu assersuutigalugu upernarnerani tusarnaartitsineq aamma filmfestivaleqartitsineq, kikkut tamarmik peqataaffigisinnaasaanni.



Ineriartorneq – Ataatsimoorluta silatunerulerpugut (atorfilinnut tamanut)

- **Naleqquttumik ingerlanneqarnera:** Inuiaqatigiinni aamma teknologiimi ineriartornermut malinnaaniarsariuqtarpugut. Ineriartortuarpugut inuttut ataasiakkaatut aamma ataatsimoorluta. Nutaanik atortoqalerpat imaluunniit suleriaaseqalerpat immitsinnut ikioqatigiittarpugut tamakku paasiniallugit angusassallu eqquutsinniallugit.
- **GUX Nuummi:** Ilaatigut pædagogiskiusunik ulloqartitsisarpugut ilikkagassat assigiinngitsut qitiutillugit, aamma pikkorissarnerit allat sulisooqatigiinnut assigiinngitsunut tulluurtut ingerlattarlugit, taakkunani ilikkagassat aallallu piginnaasat sammeneqartarlutik.